

A loco: Scientes, inquit, quia uetus homo noster simul confixus est cruci cum illo, ut euacuetur Rom. 6
 tur corpus peccati, ut ultra non seruiamus peccato. Quamdiu ergo id agunt opera nostra
 ut euacuetur corpus peccati, quamdiu exterior homo corrumpitur, ut interior renouetur de
 die in diem, tempus est crucis. Hæc sunt etiam bona opera quidem, tamen adhuc labo-
 riosa, quorum merces est requies. Sed ideo dicitur: Spe gaudentes, ut cogitantes requiem
 futuram, cum hilaritate in laboribus operemur. Hanc hilaritatem significat crucis latitu-
 do in transuerso ligno, ubi figuntur manus. Per manus enim opera intelligimus, per lati-
 tudinem hilaritatem operantis, quia tristitia facit angustias: per altitudinem uero cui ca-
 put adiungitur, expectationem retributionis de sublimi iusticia dei, qui reddet unicuique se-
 cundum opera sua. In his quidem, qui secundum tolerantiam boni operis gloriam & ho-
 norem & incorruptionem querentibus uitam æternam. Itaque etiam longitudo, qua to-
 tum corpus extenditur, ipsam tolerantiam significat, unde longanimes dicuntur qui tole- μακρόθυμοι
 rant. Profundum autem quod terræ infixum est, secretum sacramenti præfiguratur. Recor- al. expendam
 datis enim, nisi fallor, quæ uerba apostolica in ista designatione crucis ^t expediam, ubi ait: Ephes. 3
 In charitate radicati atque fundati, ut possitis comprehendere cum omnibus sanctis quæ
 sit longitudo, latitudo, sublimitas & profundum. Ea uero quæ nondum uidemus & non-
 dum tenemus, sed fide & spe gerimus, in alio biduo figurata sunt. Hæc enim quæ nunc
 agimus, tanquam clauis præceptorum in die timore confixi, sicut scriptum est: Confige Psal. 118.
 clauis à timore tuo carnes meas, in necessarijs deputantur, non in eis quæ per seipsa appet-
 enda & concupiscenda sunt. Vnde illud quod est optimum se dicit concupiscere, Dissol- Phil. 1
 uui & esse cum Christo. Manere autem in carne necessarium, inquit, propter uos. Quod er-
 go inquit, Dissolui & esse cum Christo, inde incipit requies, quæ non interruptitur resur-
 rectione, sed clarificatur: quæ tamen nunc fide retinetur, Quia iustus ex fide uiuit. An igno-
 ratis, inquit, quoniam quicumque baptizati sumus in Christo Iesu, in morte ipsius bap-
B zati sumus? Consepulti ergo illi sumus per baptismum in mortem. Vnde, nisi fide? Ne-
 que enim iam in nobis perfectum est, adhuc in nobismetipsis ingemiscantibus & adopti-
 onem expectantibus redemptionem corporis nostri: Spe enim salui facti sumus. Spes au-
 tem quæ uidetur non est spes. Quod enim uidet quis, quid sperat? Si autem quod non
 uidemus speramus, per patientiam expectamus. Quod memento quàm saepe commemo-
 rem, nec iam nunc in ista uita nos beatos fieri debere arbitremur, & ab omnibus difficul-
 tatibus liberos, ac sic in angustijs rerum temporalium aduersus deum ore sacrilego mur-
 muremus, quasi non exhibeat quod promisit. Promisit quidem etiam huic uitæ necessaria, Psal. 99
 sed alia sunt solatia miserorum, alia gaudia beatorum. Domine, inquit, secundum mul-
 titudinem dolorum meorum in corde meo, exhortationes tuæ iocundauerunt animam
 meam. Non ergo murmuremus in difficultatibus, ne perdamus latitudinem hilaritatis,
 de qua dicitur, Spe gaudentes, quia sequitur, In tribulatione patientes. Noua ergo uita Rom. 12
 in fide nunc inchoatur & spe geritur: nam tunc perfecta erit, cum absorbebitur mortale à 1. Corinth. 15
 uita, cum absorbebitur in uictoriam, cum illa nouissima inimica destructur mors, cum
 immutati fuerimus, & æquales angelis facti. Omnes enim, inquit, resurgemus, sed non o- 1. Cor. 15
 mnes immutabimur. Et dominus, Erunt, inquit, æquales angelis dei. Apprehensi enim su- Luc. 20
 mus modo in timore per fidem, tunc autem apprehendemus in charitate per speciem. Quam- 2. Cor. 5
 diu enim sumus in corpore, peregrinamur à domino: per fidem enim ambulamus, non per Philip. 3
 speciem. Ipse itaque Apostolus, qui dicit, Tunc apprehendam sicut apprehensus sum, aper-
 te se non apprehendisse confitetur. Fratres, inquit, ego me non arbitror apprehendisse. Sed
 tamen quia ipsa spes ex promissione ueritatis certa nobis est, cum diceret: Consepulti igitur
 sumus illi per baptismum in mortem, subiunxit & ait: Vt quemadmodum surrexit Chri-
 stus ex mortuis per gloriam patris, ita & nos in nouitate uitæ ambulemus. Ambulamus
 ergo in re laboris, sed in spe quietis, in carne uetustatis, sed in fide nouitatis. Dicit enim:
 Corpus quidem mortuum est propter peccatum, spiritus autem uiuit propter iusticiam.